

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 39. Pisani Concilii Sessio I.

---

[urn:nbn:de:hbz:466:1-66433](#)

primæ Sessionis inductionem prælegit, *Sæcul. XVI.*  
eamque sequenti feria quarta die quinta A.C. 1511.  
Novembris in Cathedrali Ecclesia Pisis  
celebrandam pronunciavit, hancque in-  
dictionem ad valvas Ecclesiæ S. Michae-  
lis affigi jussit.

§. XXXIX.

*Pisani Concilii Seffio I.*

Præstituta die, Synodo datum est ini- *Act Conc. II.*  
tium circa horam nonam matutinam, *Pisan. p. 84.*  
præsentibus Lauretio Galliarum Regis  
Legato, Philippo Decio ejusdem Regis  
Procuratore, cum aliis duobus; aderant  
quoque præter alios Jacobus de Colindo  
Parisiensis Prætor, & Antonius Foyetta.  
Demum persolvebantur preces, aliæque  
solemnitates in Constantiensi Concilio ob-  
servatæ. Missam quoque de Spiritu S.  
celebrabat Bernardinus Carvajalus Car-  
dinalis S. Crucis, lectoque Evangelio,  
quod incipit ab illis verbis: *Vos estis sal*  
*terræ* (\*). Cardinalis qui sacræ operabatur,  
ipsus sermonem habuit in hæc Da-  
vidis verba Psalm. 88. v. 8. *Deus, qui*  
*glorificatur in concilio Sanctorum magnus,*  
*& terribilis super omnes, qui in circuitu*  
*eius*

(\*) *Scilicet infatuatum, quod nihil valet*  
*ultra, quam ut mittatur foras, & conculceretur*  
*ub hominibus.*

**S**ecul. XVI. ejus sunt. Quæ verba in sermone suo explanans ostendit, ad id unum in ejusmodi conventibus incumbendum, ut Deo ter Optimo Maximo placeant omnes; hunc enim solum eorum esse arbitrum, nonnisi ejus fidem, & cultum, ac omnium, quæ his adversantur, extirpationem esse procurandam, ac denique, ne optato frustrentur fructu, Patres adhortatur, ut ab omni labore corda, ac corpora sua omnino munda servarent, ea, quæ Deo debent, discuterent, atque effectui darent, in sacrarum literarum meditatione, nec non in traditione sacra frequenter occuparentur, ut fidei depositum fideliter servare valerent. Denique finito sermone Hymnus de Spiritu S. *Veni Creator &c.* decantatur, demum vero Lutevensis Episcopus consenso suggestu sequentia decreta recitavit.

## §. XL.

*Primæ Sessionis Decretum.*

**S**acrosancta Generalis Synodus Pisana ad reformationem tam in capite, quam in membris, pacem omnium Christianorum, bellum contra infideles assumendum, extinguendaque schismata, hæreses, & errores in Spiritu sancto legitime congregata, universalem Ecclesiam repræsentans decernit, ordinat, definit, & declarat infra scripta:

Primo